

縣志目錄

編地理

卷一

建置沿革

疆域 形勢 方位 氣候 曆刻

卷二

山川 山脈 河流 橋梁 道路 交通

卷三

城池公廨 縣城 集鎮 會所

卷四

區村 附街公所

卷五

壇廟

卷六

古蹟 名勝

二編人物

卷七

鄉宦

卷八

選舉

卷九

鄉型

卷十

孝義

卷十一

義舉

卷十二

烈女

三編政治

卷十三

行政

游民習藝所 義倉 司法 自治 政績

卷十四

職官

卷十五

教育

卷十六

財賦

卷十七

兵事

卷十八

警察

附表 醫學研究會 消防 衛生隊 保甲

四編人事

卷十九

人類

種族 戶口 人民職業別

卷二十

禮俗

民風 婚喪祭 歲事 神道 語言 生活狀況

卷二十一

宗教

卷二十二

實業

五編物產

農時 土地 旱田 水田 山地 林業 苗圃 種樹 牧畜 水利 縣農會 區農會
工商會 商業 戶數表 銀行沿革 度量衡 工商概況 農家物種類及產額表

卷二十三

動物植物礦物

穀蔬 草木 花果 藥材 禽獸 鱗介 昆蟲 煤石

六編藝文

卷二十四

碑銘 傳記 詩歌 軼事

首編

地理

上古之世混沌未分地理之說從未曾有迨禹平水土區畫九州此界彼疆不過粗具大勢自學校建設列入專科始能細加考察分條析縷凡一山一水一通都一巨鎮舉皆區分清楚繪畫詳明較諸禹貢一書精而且盡至於山川之險夷道路之阨塞足以資要隘以便於防守者其關係猶重且大焉孟子曰山谿之險又曰天時不如地利其誠然哉爰列編諸首

建置沿革志卷一

縣境歷唐虞夏商周均爲肅慎據北方之一隅秦滅燕起長城擊走東夷置遼東西郡於幽并之地爲極北邊隅縣境去幽營千里志書從未登載漢勤遠畧分遼東西郡爲樂浪玄菟眞番臨屯四郡遂進畧西北廣漠平原之地而四郡東北借深山老林以爲屏障戎馬之足遂不暇深入由漢至隋部落紛繁互相爭據或爲扶餘或爲挹婁或爲新羅百濟縣境所居要不外扶餘挹婁之域唐時斯地隸於渤海歸化中原至宋而又脫離焉惟遼金元及清皆發祥於白山黑水之間縣境據白山之西黑水之南在遼則屬於長嶺在金則屬於會寧在元則屬於咸平繼而復爲葉赫所據迨

清滅葉赫此地作爲圍場封禁三百餘年未葉弛禁殖民設縣曰西豐民國沿其舊制以迄我新國家成立仍未變更茲將歷代考據列下

唐屬息慎 考竹書紀年帝舜有虞氏二十五年息慎氏來朝貢弓矢是在有虞氏以前縣境即屬息慎氏迨禹畫九州乃限於青州北鄙

虞屬息慎 考史記虞帝紀稱舜分冀州之北爲幽州青州之北爲營州又稱北發息慎其言北者殆即幽營之北也縣境處幽營之北應屬息慎

夏屬息慎 禹畫九州北極幽營是幽營北猶未隸於華夏也縣境在夏時仍屬息慎

商屬息慎 書云高宗伐鬼方(注)鬼方即朔方也未指明何處息慎無考以周代考之有肅慎氏貢楛矢查肅慎即息慎轉音似屬息慎

周屬肅慎 考孔子家語武王克商北方之國肅慎氏貢楛矢後漢書康王之時肅慎復至肅慎

即息慎轉晉縣境亦屬息慎

秦無考 然查盛京通志始皇滅燕造蒙恬築長城擊走東夷置遼東西郡即幽營之地也縣境去幽營千里似仍爲肅慎

漢屬扶餘 考後漢書挹婁古肅慎國在扶餘東北其邑落各有大人處於山林之間自漢興以後臣屬扶餘按縣境方位前爲肅慎後名挹婁漢時必屬扶餘矣

三國屬扶餘 滿洲源流考載三國志稱扶餘在長城之北去玄菟千里玄菟即今之海城縣地若然在三國時縣境當屬扶餘

晉屬扶餘 晉書扶餘在玄菟北千餘里武王時頻來朝貢

南北朝屬扶餘 考隋書扶餘王得河伯女閉於室爲日光照之感而遂孕生一大卵有男子破殼而出名曰朱蒙扶餘之臣咸請殺之其母以告朱蒙東南走遇一大水朱蒙曰我是河伯外孫日之子也今有難追兵且及如何得渡於是魚鼈積而成橋遂得渡乃建國號曰高句麗據此縣地仍

屬扶餘位置當在高句麗西北

隋 爲高句麗所侵通典扶餘南接高麗東接挹婁西接鮮卑後高麗得其地置扶餘城唐乾封三年薛仁貴伐高麗於金山拔扶餘城其爲高麗所侵也明矣

唐屬渤海 考新唐書李勣伐高麗拔扶餘以其地爲渤海按渤海以扶餘故地爲扶餘府冊府元龜載後唐天成元年陳繼威使契丹至渤海界扶餘府可見扶餘又屬渤海

宋

先屬遼後屬金詳見遼金

遼 屬長嶺府西境按滿洲源流考載遼史本紀太祖天顯元年下長嶺府(注)距今吉林西南五百里有長嶺子爲衆水分流之地蓋即縣境東南之分水嶺以此知西流水即長嶺府西境也

金

屬會寧府西境考盛京通志開原屬會寧府元史開元路古肅慎之地唐曰黑水靺鞨東瀕海南界高麗西北與契丹接境即金祖之部落也金太祖旣滅遼即上京設都海陵後遷都於

燕改爲會寧府

元 屬開元路之咸平府元史開元路古肅慎之地隋唐曰黑蘇鞨唐置黑水府其後渤海盛蘇鞨皆役屬之又其後壤弱爲契丹所攻黑水復有其地東瀕海南界高麗西北與契丹接境即金始祖之部落也太祖旣滅遼即上京設都乙未歲立開元南京二萬戶府治黃龍府至元四年更遼東路總管府二十三年改爲開元路領咸平府

明 屬三萬衛東北之葉赫考明史元開元路洪武初廢二十年置三萬衛於開元故城盛京通志沿革表列開元縣設於三萬衛洪武二十一年改曰開原尋置衛今縣境界開原縣東北即屬三萬衛東北也開原東北界有威遠堡按滿洲源流考葉赫在威遠堡東北近葉赫河岸即明時所謂北關也縣境屬北關即應屬葉赫

清 初屬葉赫後征服之而爲狩獵之地末葉弛禁殖民設治名曰西豐今仍之

疆域及形勢

縣境爲三角形一角在西距縣城九十里一角在東北亦九十里一角在東南一百五十里東界西安東豐南界清源西及西南界開原北界吉林之伊通面積約一萬二千三百二十七平方公里四二八其間水抱山環素稱膏腴當未開闢以前草木葱蘢上翳天日乃一洪荒之大林場耳今招墾三十餘年平原山嶺阡陌連綿頓成產糧獨厚之區誠爲遠近所共羨惟山田年久被雨水冲刷沙石暴露望之如牛山濯濯已成廢地殊爲可惜境內山嶺重疊平壤殊少而濱河一水兩山逼夾東西延亘數百里扼東邊各縣之咽喉爲往來出入之孔道形勢天然景僅背山面河堪稱險阻哉也

方位

我國各省方位定以星野然星野所跨者遠可以省分而不可以縣計考盛京通志奉天分野在箕尾之間析木之次縣境亦應屬之今以經緯度考之治城當北緯四十二度五十一分東經一百二十四度二十七分縣境縱自極南界北緯四十二度二十九分起至極北界四十三度十分訖橫自極西界東經一百二十三度四十分起至極東界一百二十四度五十分訖

氣候

本縣氣候屬於大陸性質較奉天省其他各縣寒暑爲烈在圍荒初闢時雖無器械的觀測依諸現象考查之如冬季樹掛（即霧

冰）地面凍裂人畜凍傷等推測最低溫度當在攝氏零下四〇度以下近年以來荒地盡闢人煙漸多氣候亦隨之變換據近數年測驗夏季平均氣溫當在攝氏表二十五度左右冬季平均氣溫在零下十八度左右一年中降水量八四〇耗蒸發量八五〇耗初霜期在十月上旬終霜期在五月上旬地凍深在一五米左右

晷刻

冬至晷刻日出辰初三刻前日入申正初刻夜長十五小時有奇夏至晷刻日出寅二刻前日入戌初二刻後日長十五小時有奇以縣境多山峰巔萬矗而日之出入雖在同一區域亦有遲早之